

全上古三代秦漢三國六朝文

全晉文卷一百四十八

烏程嚴可均校輯

後趙

石勒

勒字世龍初名匄上黨武鄉羯人惠帝末從汲桑爲盜桑死歸劉淵爲輔漢將軍平晉王淵僭號授持節平東大將軍進安東大將軍尋授鎮東大將軍封汲郡公劉聰嗣位授征東大將軍并州刺史尋授幽州牧又授冀州牧進封本國上黨郡公加侍中又加崇爲陝東伯劉曜嗣位署大司馬大將軍加九錫進爵趙公呂晉大興二年自稱趙王都襄國至晉咸和三年改元太和其明年擒劉曜又明年僭卽皇帝位改元建平徙都臨漳呂咸和七年死在位十五年諡曰明皇帝廟號高祖下令絕劉曜

孤兄弟之奉劉家人臣之道過矣若微孤兄弟豈能南面稱朕哉
根基既立便欲相圖天不助惡使假手斬準孤惟事君之體當資
舜求瞽瞍之義故復推崇今主修好如初何圖長惡不悛殺奉誠
之使帝王之起復何常邪趙王趙帝孤自取之名號大小豈其所
節邪晉書載紀石勒傳上又十六國春秋十三

下合論功

自孤起軍十六年于茲矣文武將士從孤征伐者莫不蒙犯矢石
備嘗艱苦其在葛陂之役厥功尤著宜爲賞之先也若身見存爵
封輕重隨功位爲差死事之孤賞加一等庶足自慰答存亡申孤
之心也晉書載紀石勒傳下又十六國春秋十三

下令起建德殿

去年水出巨材所在山積將皇天欲孤繕修宮宇也其擬洛陽之
太極起建德殿遣從事中郎任汪帥使工匠五千採木自供之晉書

載紀石勒傳下又十六國春秋十三

復武鄉令

武鄉吾之豐沛萬歲之後魂靈當歸之其復之三世晉書載紀石勒傳下

獲黑兔下令案記應白兔為瑞此黑兔何祥外檢舊典十六國春秋十二太和元年二月

擒劉曜下令

所欲擒者一人耳今已獲之其敕將士抑鋒止銳縱其歸命之路晉書載紀石勒傳下又十六國春秋十三

下書拒石虎等勸稱尊號

孤猥以寡德忝荷崇寵夙夜戰惶如臨深薄豈可假尊竊號取譏四方昔周文曰三分之重猶服事殷朝小白居一匡之盛而尊崇周室況國家道隆殷周孤德卑二伯哉其亟止斯議勿復紛紜自今敢言刑茲無赦晉書載紀石勒傳上又十六國春秋十三

下書採集律令之要

今大亂之後律令煩滋其採集律令之要為施行條制晉書載紀

又十六國春秋十三

下書國人

國人不聽報嫂及在喪婚娶其燒葬令如本俗晉書載紀石勒傳下又十六國春秋

三十

下書賜陳武妻

昔周之興也四乳八子今武妻一乳四子可為慶過姬祥美比曩

日二儀諧暘和氣所致其賜乳婢一口穀一百石雜綵四十四匹庶

召肅迎嘉祥十六國春秋十三黎陽人陳武妻一產三男一女勒下書又見晉書載紀石勒傳下少始末六句

下書修祖氏墳墓

祖述屢為邊患逃北州土望也儻有首丘之思其下幽州修祖氏

墳墓為置守家二家晉書載紀石勒傳下又十六國春秋十三

下書八座

自今有疑難大事八座及委丞郎齊詣東堂詮詳平決其有軍國要務須啟者有令僕尚書隨局入陳勿避寒暑昏夜也

晉書載紀石勒傳下

又下書

又下書

自今諸有處法悉依科令吾所忿戮怒發中旨者若德位已高不宜行晉書作訓罰或服勤死事之孤邂逅罹譴門下皆各列奏之吾當

思擇而行也

晉書載紀石勒傳下又十六國春秋十三

下書招賢

令公卿百寮歲薦賢良方正直言秀異至孝廉清各一人對策上

第者拜議郎中第中郎下第郎中其舉人得遞相薦引廣招賢之

路

晉書載紀石勒傳下又十六國春秋十三

下書議復寒食

寒食既并州之舊風朕生其俗不能異也前者外議日子推諸侯
之臣王者不應爲忌故從其議儻或由之而致斯災乎子推雖朕
鄉之神非法食者亦不得亂也尚書其促檢舊典定議曰間晉書
載紀

石勒傳下又十
六國春秋十三
報劉琨

事功殊途非腐儒所聞君當建節本朝吾自夷難爲效

晉書載紀
石勒傳上

又十六國春秋十
一建節作敬節

石虎

虎字季龍勒從子拜征虜諸軍署魏郡太守封繁陽侯勒稱趙
王遷侍中封中山公勒僭號授太尉守尚書令進封中山王石
弘嗣位拜丞相魏王大單于加九錫曰晉咸康元年自稱居攝
趙天王改元建武其三年僭稱大趙天王曰晉永和五年僭卽
皇帝位改元太寧在位十五年石遵時諡曰武皇帝廟號太祖

上石勒疏勸進

臣等聞有非常之度必有非常之功有非常之功必有非常之事
是曰三代陵遲五伯迭興靜難濟時績俾睿古伏惟殿下天縱聖
哲誕膺符運鞭撻宇宙弼成皇業普天率土莫不來蘇嘉瑞徵祥
日月相繼物望去劉氏威懷于明公者十分而九矣今山川夷靜
星辰不孛夏海重譯天人係仰誠應升御中壇卽皇帝位使攀附
之徒蒙尺寸之潤請稱大將軍大單于領冀州牧趙王

晉書無此
十三字

依漢昭烈在蜀魏王在鄴故事曰河內魏汲頓丘平原清河鉅鹿
常山中山長樂樂平十一郡并前趙國廣平陽平章武渤海河開
上黨定襄范陽漁陽武邑燕國樂陵十三郡合二十四郡戶二十
九萬爲趙國封內依舊改爲內史準禹貢魏武復冀州之境南至
盟津西達龍門東至于河北至于塞垣曰大單于鎮撫百蠻罷并
朔司三州通置部司曰監之伏願欽若昊天垂副羣望也

晉書載
紀石勒

傳上石季龍及張敬張賓左右司馬張屬六程遐文武等一百二十九人上疏云云又見十六國春秋十三

敷敬佛圖澄

司空李農朝夕親問太子諸公五日一朝表朕敬焉高僧傳九法苑珠林七十

六又十六國春秋二十一

敷麻秋

受降如待敵將軍慎之晉書載詔石虎傳上段遼遣使詐降虎使征東麻秋百里郊迎敷秋云云又見十六

國春秋十五

下書稱居攝趙天王

王室多難海陽自棄四海任重故俛從推逼朕聞道合乾坤者稱

皇德協人神者稱帝皇帝之號非所敢稱一作且可稱居攝趙天

王曰副天人之望晉書載詔石虎傳上又十六國春秋十五

下書曰錢穀麥贖刑

刑贖之家得已錢代財帛無錢聽已穀麥皆隨時價輸水次倉晉書

載熙石虎傳上又見
十六國春秋十五

下書尊佛圖澄

和尚國之大寶榮爵不加高祿不受榮爵匪顧何曰旌德從此已
往宜衣日綾錦乘日雕輦朝會之日和尚升殿常侍日下悉助舉
與太子諸公扶翼而上主者唱大和尚至眾坐皆起日彰其尊高僧傳九法苑珠林七十六又十六國春秋二十一

下書清定選制

三載考績黜陟幽明斯則先王之令典政事之通塞魏始建九品
之制三年一清定之雖未盡弘美亦縉紳之清律人倫之明鏡從
兩日來遵用無改先帝創臨天下黃紙再定至于選舉銓爲首格
自不清定三載于茲主者其更銓論務揚清激濁使九流咸允也
吏部選舉可依晉氏九班選制永爲揆法選畢經中書門下宣示
三省然後施行之其著此詔書于令銓衡不奉行者御史彈坐日

聞晉書載紀石虎傳上又見十六國春秋十五

下書拒上尊號

過相褻美猥見推逼覽增慙然非所望也其亟止茲議今東作告始自非京城內外皆不得表慶晉書載紀石虎傳六又十六國春秋十五

下書問中書令

佛號世尊國家所奉閭里小人無爵秩者應得事佛與否又沙門皆應高潔真正行能精進然後可爲道士今沙門甚眾或有奸宄避役多非其人可料簡詳議眞僞高僧傳九廣弘明集六又十六國春秋十五

下書聽百姓爲道士

度議云佛是外國之神非天子諸華所可宜奉朕生自北鄙忝當期運君臨諸夏至于舉祀應兼從本俗佛是戎神正所應奉夫制由上行永世作則苟事允無虧何拘前代其夷趙百蠻有舍于淫祀樂事佛者悉聽爲道士高僧傳九晉書佛圖澄傳廣弘明集六又十六國春秋十五

因災異下書

朕在位六載不能上和乾象下濟黎元。旨致星虹之變其令百僚各上封事解西山之禁蒲葦魚鹽除歲供之外皆無所固公侯卿牧不得規占山澤奪百姓之利。

晉書載紀石虎傳上朕大旱白虹經天虎下書云云又十六國春秋

十六

又下書

前曰豐國澠池二治初建徙刑徒配之權救時務而主者遂爲恆法致起怨聲自今罪犯流徙皆當申奏不得輒配也京獄見囚非手殺人一皆原遣。

晉書載紀石虎傳上又十六國春秋十六

因天變下書求極言

蓋古明王之理天下也政曰均平爲首化曰仁惠爲本故能允協人和緝熙神物朕曰眇薄君臨萬邦夕惕朝乾思遵古烈是曰每下書蠲除徭役休息黎元庶俯懷百姓仰稟三方而中年已來變

皆彌顯天文錯亂時氣不應斯由人怨于下譴感皇天雖朕之不明亦羣后不能翼獎之所致也昔楚相修政洪災旋弭卿卿勵道氛祲自消皆股肱之良用康羣變而羣公卿士各懷道迷邦拱默成敗豈所望于台輔百司哉其各上封事極言無隱晉書載紀五虬出自太社經鳳陽門東南連天十餘刻乃滅虎下書云云又見十六國春秋十六

石遵

遵字大祗石虎第九子石弘時封齊王石虎僭位封彭城王石世嗣位曰爲左丞相尋廢世曰晉永和五年僭卽皇帝位改元青龍在位一百八十三日爲石鑒所殺

假劉氏令

劉氏劉曜幼女虎曰爲皇后生子世

嗣子幼冲先帝私恩所授皇業至重非所克堪其曰遵嗣位

晉書載

石遵

傳

再閱

閔字永曾小字棘奴魏郡內黃人曰父母良爲虎養子因姓石
拜建節將軍封修成侯歷北中郎將游擊將軍遷征虜將軍封
武興郡公石遵僭位爲輔國大將軍督中外諸軍錄尚書事石
鑒僭位爲大將軍封武德王曰晉永和六年殺鑒僭卽皇帝位
改元永興國號魏在位三年燕慕容恪擒斬之諡曰武悼天王
攻斬孫伏都等下令

內外六夷敢稱兵仗者斬之

晉書載紀石虎傳下
又十六國春秋十八

令城內

近日孫劉構逆支黨伏誅良善一無與也今日已後與官同心者
畱不同心者各任所之

十六國春秋十八晉書載
紀石虎傳下有未二句

頒令斬胡

內外趙人斬一胡首送鳳陽門者文官進位三等武職悉拜牙門

晉書載紀石虎傳下
又十六國春秋十八

下令收國號姓

索崔鴻十
孔子曰死而王七月者七十有三國繼趙李讖書炳然且德星鎮

六國春秋
衛宜改國號曰魏復姓冉氏十六國春秋十九

湯球十六
遣使臨江告晉

國春秋纂
錄及太平
胡逆亂中原今已誅之若能共討者可遣軍來也晉書載紀冉閔傳又十六國春秋

御覽引
九

死而王七月
者皆作易姓

續咸

而王七月者
咸字孝宗上黨人師事杜預永嘉中歷廷尉平東安太守劉琨

又宜改國號
承制曰為從事中郎後沒于石勒為理曹參軍律學祭酒拜廷

日魏復姓冉
尉至石虎時卒年九十七贈儀同三司有遠游志十卷異物志

氏皆作宜
十卷汲冢古文釋十卷

改號大衛
上石勒書諫營新宮

臣聞唐虞之治采椽茅茨土階三尺彰美于詩書漢文惜百金不

崔鴻十六國春秋作魏冉氏改李氏當據

營露臺稱之于千古。是夏商之瓊臺瑤陛。楚之章華。秦之阿房。資財內竭。華夷外叛。十六國春秋十三年

夔安

安爲石勒將。累遷左司馬。勒僭號曰爲尙書。遷鎮軍將軍。石弘嗣位。領左僕射。石虎居攝。曰爲侍中太尉。守尙書令。尋拜太保。因獲玄玉璽。又勸進。

臣等謹案大趙水德。玄龜者水之精也。王者石之寶也。分之數曰象七政。寸之紀曰準四極。昊天成命。不可久違。輒下史官擇吉日具禮儀。謹昧死上皇帝尊號。晉書載石虎傳上虎稱大趙天王。寸七分龜紐金文諸卿獻之。并強驍都尉復其一。門夔安等又勸進云云。又見十六國春秋十五。

韋護

護字憲道。京兆人。仕石勒爲黃門郎。石虎曰爲散騎常侍。歷守七郡徵廷尉。四登九列。六在尙書。三爲侍中。再爲太子太傅。封

京兆公冉閔僭位拜光祿大夫見殺追贈大司徒

諫石虎微行

臣聞千金之子坐不垂堂萬乘之主行不履危陛下雖天生神武雄據四海乾坤冥贊萬無所慮然白龍魚服有豫且之禍海若潛游罹葛陂之醢願陛下清宮蹕路思二神爲元鑒不可忽天下之重輕行斤斧之間一旦有狂夫之變龍騰之勇不暇施也智士之計豈及設哉又自古聖王之營建宮室未始不于三農之隙所曰不奪農時也今或盛功于耘耨之辰或煩役于收穫之月頓罷屬途怨聲塞路誠非聖君仁后所忍爲也昔漢明賢君也鍾離一言而德陽役止臣誠識慙昔士言無可採陛下道越前王所宜哀覽

晉書載石虎傳上虎微行無度晨出夜歸又多微行躬

察作役之所侍中韋謏諫云云又見十六國春秋十六

啟諫冉閔題從晉書載紀冉閔傳

胡羯皆我之仇敵今來歸附苟存性命耳萬一爲變悔之何及請

誅辟降胡去單于之號曰防微杜漸十六國春秋二十二韋謏傳胡一千處之麾下謏諫云云呂書問拜其子片爲大單于呂降

駁寒食議

案春秋藏冰失道陰氣發洩爲雹自子推已前雹者復何所致此自陰陽乖錯所爲耳且子推賢者曷爲暴虐如此求之冥趣必不然矣今雖爲冰室懼所藏之冰不在固陰沍寒之地多皆川池之側氣洩爲雹也曰子推忠賢令縣介之閒奉之爲允于天下則不通矣晉書載紀石勒傳下十六國春秋十三

王度

度大原人仕石虎爲中書著作郎

奏禁奉佛

夫王者郊祀天地祭奉百神載在祀典禮有常饗佛出西域外國之神功不施民非天子諸華所應祀奉往漢明感夢初傳其道惟

聽西域人得立寺都邑已奉其神其漢人皆不得出家魏承漢制亦循前軌今大趙受命率由舊章華戎制異人神流別外不同內饗祭殊禮華夏服禮不宜雜錯國家可斷趙人悉不聽詣寺燒香禮拜已遵典禮其百辟卿士下逮眾隸例皆禁之其有犯者與淫祀同罪其趙人爲沙門者還從四民之服

高僧傳九晉書佛圖澄傳又御覽六百五十三

引晉書又廣宏明集六又十六國春秋十五

扇上銘

朱明赫離光啟牕來清風服綵雲露體夷神自融

初學記三

王擢

擢仕石虎爲鎮遠將軍苻健入關奔張重華爲征東大將軍

表免雍秦望族戍役

雍秦二州望族自東徙已來遂在戍役之例旣衣冠華胄宜蒙優

免

晉書載紀石虎傳上又十六國春秋十五

王波

波仕石虎爲中書令徙中書監爲趙悅所譖腰斬追贈司空

遣李宏還蜀事議

今李宏已死自誓若得返魂蜀漢當鳩率宗族混同王化若遣而果也則不煩一旅之師而坐定梁益就有進退豈在逃命一夫壽既號竝日月跨僭一方今若制詔或敢酬反則取誚戎裔宜書答之并贈曰借矢使壽知我遐荒必臻也晉書載紀石虎傳上李壽致書請之題曰龍王石君虎不悅中書監王波議云云又見十六國春秋十六

申鍾

鍾仕石虎至司徒

諫任石宣石韜

慶賞刑威后皇攸執名器至重不可已假人皆曰防姦杜漸已示軌儀太子國之儲貳朝夕視膳而不及政也庶人遂往已聞政致

敗殷鑒不遠宜革而弗遵且二政分權勢不及胤周有子積之舉
鄭有叔段之難此皆由寵之不道所召亂國害親惟陛下覽之

載紀石虎傳上又見十六國春秋
行六案文云覽之知非口諫

關名

西門豹祠堂東石柱銘

趙建武中所脩也

水經濁漳水注

華山玉版文

歲在申酉不絕如綫歲在壬子真人乃見

晉書載紀慕容儼傳初石虎使人候策于華山

得玉版又又見十六國春秋

十七

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷一百四十八終

全晉文卷一百四十九

烏程嚴

前燕

慕容廆

廆字奕洛瓌昌黎棘城鮮卑人武帝時襲父涉韞位爲鮮卑單于惠帝時王浚承制召爲散騎常侍冠軍將軍前鋒大都督大單于愍帝召爲鎮軍將軍昌黎遼東二國公元帝承制召爲假節散騎常侍都督遼左雜夷流人諸軍事龍驤將軍大單于昌黎公竝不受大興中拜監平州諸軍事安北將軍平州刺史尋加使持節都督幽平二州東夷諸軍事車騎將軍平州牧進封遼東郡公成帝卽位加侍中位特進又加開府儀同三司不受咸和八年卒策贈大將軍諡曰襄慕容儁僭號追諡曰武宣皇帝

與陶侃箋

明公使君轂下振德耀威撫寧方夏勞心文武士馬無恙欽高仰止注情彌久王途嶮遠隔日燕越每瞻江澗延首遐外天降艱難禍害屢臻舊都不守奄爲虜庭使皇輿遷幸假勢吳楚大晉啟基祚流萬世天命未改玄象著明是日義烈之士深懷憤踊猥冒功薄受國殊寵上不能掃除羣羯下不能身赴國難仍縱賊臣屢逼京輦王敦倡禍于前蘇峻肆毒于後凶暴過于董卓惡逆甚于崔杼普天率土誰不同忿深怪文武之士過荷朝榮不能滅中原之寇刷天下之恥君侯植根江陽發曜荆衡杖葉公之權有包胥之志而令白公五員殆得極其暴竊爲巨明恥之區區楚國子重之徒猶恥君弱臣強晉書無此二字臣上有羣字不及先大夫厲已戒眾已服陳鄭越之種蠡尙能嚙佐句踐取威黃池況今吳土英賢比肩而不問輔翼聖主陵江北伐日義聲之直討逆暴之羯檄命舊都之士

招懷存本之人豈不苦因風振落頓坂走輪哉且孫氏之初呂長
沙之眾摧破董卓志匡漢室雖中懼寇害雅志不遠原其誠心乃
忽身命及權據楊越外杖周張內憑顧陸拒魏赤壁克取襄陽自
茲呂降世主相襲咸能侵逼徐豫令魏朝肝忘食不知今之江表
爲賢傷匿智藏其勇略邪將呂蒙凌統高蹤曠世哉況今凶羯虐
暴中州人士逼迫勢促顛沛之危甚于累卵假號之彊眾心所去
敵有釁矣易可震蕩王郎袁術雖自詐僞皆基淺根微禍不旋踵
此皆君侯之所見聞者矣王司徒清虛寡欲善于全己昔曹參亦
崇此道著畫一之稱也庾公居元舅之尊處申伯之任超然高蹈
明智之權庾于寇難之際受大晉累世之恩自恨絕域無益聖朝
徒繫心萬里望風懷憤今海內之望足爲楚漢輕重者惟在君侯
若戮力盡心悉五州之眾據兗豫之郊使向義之士倒戈釋甲則
羯寇必滅國恥必除庾在一方敢不竭命孤軍輕進不足使勒畏

首畏尾則懷舊之士欲爲內應無由自發故也故遠陳寫言不盡

宣

晉書載紀慕容廆傳又見十六國春秋二十三

慕容皝

皝字元貞廆第三子建武初拜冠軍將軍左賢王封望平侯太
寧末拜平北將軍進封朝鮮公廆卒嗣位行平州刺史明年成
帝遣使拜鎮軍大將軍平州刺史大單于遼東公咸康七年策
拜燕王永和四年卒慕容儁僭號追諡文明皇帝

上晉成帝表

臣究觀前代昏明之主若能親賢竝建則政致昇平若親黨后族
必有傾辱之禍是日周之申伯號稱賢舅目其身藩于外不握朝
權降及秦昭足爲令主委信二舅幾至亂國逮于漢武推重田蚡
萬機之要無不決之及蚡死後切齒追恨成帝闇弱不能自立內
惑豔妻外恣五舅卒令王莽坐取帝位每覽斯事孰不痛惋設使

舅氏賢若穰侯王鳳則但間有二臣不間有二主若其不才則有
賢憲梁冀之禍凡此成敗亦旣然矣苟能易軌可無覆墜陛下命
世天挺當隆晉道而遭國多難殷憂備嬰追述往事至今焚灼迹
其所由實因故司空亮居元舅之尊勢業之重執政裁下輕侮邊
將故令蘇峻祖約不勝其忿遂致敗國至令太后發憤一旦升遐
若社稷不靈人神無助豺狼之心當可極邪前事不忘後事之表
而中書監左將軍冰等內執樞機外擁上將昆弟竝列人臣莫儔
陛下深敦渭陽冰等自宜引領臣常謂世主若欲榮顯舅氏何不
封呂藩國豐其祿賜限其勢利使上無偏優下無私論如此榮辱
何從而生噂噤何辭而起往者惟亮一人宿有名望尙致召變況
今居之者素無聞焉且人情易惑難呂戶告縱令陛下無私于彼
天下之人誰謂不私乎臣與冰等名位殊班出處懸邈又國之威
昵理應降悅呂適事會臣獨矯抗此言者上爲陛下退爲冰計疾

荀容之臣坐鑒得失、顛而不扶、焉用彼相、昔徐福陳霍氏之戒、宣帝不從、至今忠臣更爲逆族、良由察之不審、防之無漸、臣今所陳可謂防漸矣、但恐陛下不明臣之忠、不用臣之計、事過之後、更處焦爛之日耳、王章劉向每上封事、未嘗不指斥王氏、故令二子或死或刑、谷永張禹依違不對、故容身苟免、取譏于世、臣被髮殊俗、位爲上將、夙夜惟憂、罔知所報、惟當外殄寇讐、內盡忠規、陳力輸誠、曰答國恩、臣若不言、誰當言者、晉書載紀慕容既傳又十六國春秋二十五

上言征慕容仁

正月十二日臣躬征平郭、遠假陛下天地之威、將士竭命、精誠感靈、海爲結冰、凌行海中三百餘里、臣自立國、及問諸故老云、初無海水凍冰之歲、初學記七御覽六十又六十六並引王隱晉書又見十六國春秋二十四

下令賜封裕

覽封記室之諫、孤實懼焉、君曰黎元爲國、黎元曰穀爲命、然則農

者國之本也。而二千石令長不遵孟春之令，惰農弗勸，宜曰尤不修闕者。惜之刑法，肅厲屬城。王者明詳推檢，具狀已聞。苑囿悉可罷之，已給百姓無田業者。貧者全無資產，不能自存，各賜牧牛一頭。若私有餘力，樂取官牛墾官田者，並依晉魏舊法，溝洫溉灌，有益官私。主者量造，務盡水陸之勢。中州未平，兵難不息，勸誠既多，官僚不可已減也。待克平兇醜，徐更議之。百工商賈數四佐與列將，速定大員。餘者還農，學生不任訓敎者，亦除員祿。夫人臣闔言于人主至難也。妖妄不經之事，皆應蕩然不問，擇其善者而從之。王憲劉明雖罪應禁黜，亦由孤之無大量也。可悉復本官，仍居諫司。封生懸憲，深得王臣之體。詩不云乎：無言不酬。其賜錢五萬，宣示内外。有欲陳孤過者，不拘貴賤，勿有所諱。

晉書載紀慕容皝傳又十六國春秋二十

下合罪宋該

夫孝廉者道德沈敏貢之王庭偏往助叛徒迷固之罪至王威臨討憑城醜詈此則悖逆之甚者也奈何舉之剖符于朝何所取信該下吏可正四歲刑偏行財祈進虧亂王典可免官禁錮終身御覽六百五十一引前燕錄遼東內史宋該舉韓偏爲孝廉慕容皝令云云又見今十六國春秋三十一

與庾冰書

君曰椒房之親舅氏之昵總據樞機出內王命兼擁列將州司之位昆弟網羅顯布畿甸自秦漢以來隆赫之極豈有若此者乎曰吾觀之若功就事舉必享申伯之名如或不立將不免梁竇之迹矣每觀史傳未嘗不寵恣母族使執權亂朝先有殊世之榮尋有負乘之累所謂愛之適足曰爲害吾嘗忿歷代之主不盡防萌終龍之術何不業曰一土之封令藩國相承如周之齊陳如此則永保南面之尊復有黜辱之憂乎竇武何進好善虛己賢士歸心雖爲閹豎所危天下嗟痛猶有能履己不驕圖國亡身故也方今四

海有倒懸之急中夏逋僭逆之寇家有流血之怨人有復讐之憾
寧得安枕逍遙雅談卒歲卯吾雖寡德過蒙先帝列將之授日數
郡之人尚欲并吞強虜是日自頃及今交鋒接刃一昨務農三時
用武而猶師徒不頓倉有餘粟敵人日畏我境日廣況乃王者之
威堂堂之勢豈可同年而語哉晉書載紀慕容儁傳又十六國春秋二十五
與顧和書

今致繡韞一量

御覽四百七十八作繡靴一量御覽八百一十五 餽餽十斤

御覽八百一十八

人參十斤

御覽九百九十一

麻黃五斤

御覽九百九十三

慕容儁

儁字宣英號第二子小字賀賴跋號為燕王拜假節安北將軍
東夷校尉左賢王燕世子號死嗣位建元燕元日晉永和八年
僭即皇帝位改元二元璽光壽日晉升平四年死在位十一年
諡曰景昭皇帝廟號烈祖

手令敕常煒

卿本不爲生計孤曰州里相存耳今大亂之中諸子盡至豈非天
所念邪天且念卿況于孤乎

十六國春秋二十六

下令追崇祖考

追崇祖考古人之令典也其追尊武宣王廕爲高祖武宣皇帝文

明王軌爲太祖文明皇帝

十六國春秋二十六

下書定冠冕制

周禮冠冕體制君臣略同中世以來亦無常體今特制燕平上冠
悉賜廷尉曰下使瞻冠思事刑斷詳平諸公冠冠悉顏褻屈竹錦纒
作公字曰代梁處施之金璫令僕尙書置璫而已中祕監令別施
珠璫庶能敬慎威儀示民軌則

十六國春秋二十七

慕容暉

暉字景茂僞第三子曰晉升平四年僭卽皇帝位改元建熙在

位十一年爲秦封堅所擒封新興侯署尚書平南將軍別部都督後謀殺堅爲堅所誅慕容德僭號追諡幽皇帝

答慕容恪慕容評

朕曰不天早傾乾覆先帝所託惟在一公二公懿親碩德勳高魯衛翼贊王室輔導朕躬宜慈惠和坐而待旦虔誠夕惕美亦至矣故能外埽羣凶內清九土四海晏如政和時洽雖宗廟社稷之靈抑亦二公之力也今關右有未賓之民江吳有遺燼之虜方賴謀猷混寧六合豈宜虛已謙沖曰違委任之重王其割二疏獨善之小曰成公旦補袞之大

晉書載慕容評傳又十六國春秋二十八

夫建德者必曰終善爲名位命者則曰功成爲效二公與先帝開構洪基膺天明命將廓夷羣醜紹復隆周之迹今災眚橫流乾光墜曜朕曰眇躬猥荷大業不能上成先帝遺志致使二虜遊魂所目功未成也豈宜沖退且古之王者不曰天下爲榮憂四海若荷

擔然後仁讓之風行則比屋而可封今道化未純鯨鯢未殄宗廟之重非惟朕身二公所憂也當思所已監濟兆庶靖難敦風垂美將來侔蹤周漢不宜崇飾常節日違至公晉書載紀慕容暉傳又十六國春秋二十八下書祈雨

朕曰寡德莅政多違亢陽三時光陰錯緒農植之辰而零雨莫降其令有司徹樂大官日菜食常供祭奠十六國春秋二十八

慕容翰

翰字元邕廐之庶長子爲建威將軍鎮遼東及皝嗣位畏禍奔段遼又奔宇文歸後逃還皝忌之賜死

上言宜討素連木津等

求諸侯莫如勤王自古有爲之君靡不杖此日成事業者也今連津跋扈王師覆敗蒼生屠膾豈甚此乎豈子外日龐本爲名內實幸而爲寇封使君日誅本請和而毒害滋深遼東傾沒垂已二周

中原兵亂州師屢敗勤王杖義今其時也單于宜明九伐之威救
倒懸之命數連津之罪合義兵已誅之上則興復遼邦下則并吞
二郡忠義彰于本朝私利歸于我國此則吾鴻漸之始也終可已
得志于諸侯

晉書載紀慕容廆傳又十六國春秋二十三與此小異

慕容恪

恪字玄恭號第四子爲盪寇將軍遷度遼將軍僞嗣位已爲輔
國將軍及僭號拜侍中衛將軍封太原王大司馬假節大都督
錄尚書事諱嗣位拜太宰已晉太和二年卒諡曰桓王

因水旱表請遜位

臣已朽闇器非經國過荷先帝援擢之恩又蒙陛下殊常之遇猥
已輕才竊位宰祿不能上諧陰陽下釐庶政致使水旱愆和彝倫
失序輟弱任重夕惕惟憂臣聞王者則天建國辨方正位司必量
才官惟德舉台傳之重參理三光苟非其人則靈曜爲虧尸祿貽

殃負乘招悔由來常道未之或差呂姬旦之勳聖猶近則二公不
悅遠則管蔡流言況臣等寵緣盛來榮非才授而可久黜天官塵
蔽賢路是呂中年拜表披陳丹款聖恩齒舊未忍遐棄奄冉偷榮
愆責彌厚自待罪鼎司歲餘辰紀忝冒宰衡七載于茲雖乃心經
略而思不周務至令二方干紀跋扈未庭同文之詠有慙盛漢深
乖先帝託付之規甚違陛下垂拱之義臣雖不敏竊聞君子之言
敢忘虞廷避賢之美輒循兩疏知止之分謹送太宰大司馬太傅
司徒章綬惟垂昭許晉書載紀慕容暉傳時暉境內多水旱慕容
暉慕容容許並脩首歸政請遜位還第云云惟
不許遂斷其議表格評等乃
止又見十六國春秋二十八

慕容

昌代郡人仕慕容廆爲征虜將軍

說慕容廆通使勸進琅邪

今兩京傾沒天子蒙塵琅邪承制江東實人命所係明公雄據海

胡跨總一方而諸部怙眾稱兵未遑道化者蓋曰官非王命又自
曰爲疆今宜通使取邪勸承大統然後敷宣帝命曰伐有罪誰敢
不從晉書載紀慕容廆傳又十六國春秋二十三

韓恆

恆字景山安平灌津人師事同郡張載永嘉之亂避地遼東徙
昌黎慕容廆召拜參軍出爲新昌令號嗣位復參軍事遷營丘
太守僞嗣位徵爲諮議參軍加揚烈將軍及僭號曰爲中書令
太子太傅

駁宋該等議表請廆爲燕王

自羣胡乘間人嬰荼毒諸夏蕭條無復綱紀明公忠武篤誠憂勤
社稷抗節孤危之中建功萬里之外終古勤王之義未之有也夫
立功者患信義不著不患名位不高故桓文有寧復一匡之功亦
不先求禮命曰令諸侯今宜繕甲兵候機會除羣凶清四海功成

之後九錫自至且要君以求寵爵者非爲臣之義也

晉書載紀傳
恆傳又十六

國春秋二十一
三又三十一

封抽

抽渤海蓆人爲幽州參軍慕容廆引爲長史遷東夷校尉

上疏陶侃府請封慕容廆爲燕王

自古有國有家鮮不極盛而衰自大晉龍興克平嶠會神武之略
邁蹤前史惠皇之末后黨構難禍結京畿釁成公族遂使羯逆乘
虛傾覆諸夏舊都淪滅山陵掘毀人神悲悼幽明發憤昔猘狁之
強匈奴之盛未有如今日羯逆之暴跨躡華夷盜稱尊號者也天
授有晉挺拔英傑車騎將軍慕容廆自弱冠蒞國忠于王室明允
恭肅志在立勳屬海內分崩皇輿遷幸元皇中興初唱大業肅祖
繼統蕩平江外廆雖限日山海隔日羯寇翹首引領係心京師常
假寤寐欲憂國忘身貢篚相尋連舟載路馬不稅駕動成義舉今

獨遠滔天。怙其醜類。樹基趙魏。跨略燕齊。鹿雖率義旅。誅討大逆。然管仲相齊。猶曰寵不足。曰御下。况鹿輔翼王室。有匡霸之功。而位卑得輕。九命未加。非所曰寵異。藩翰敦獎。殊勳者也。方今詔命隔絕。王路嶮遠。貢使往來。動滿年載。今燕之舊壤。北周沙漠。東盡樂浪。西暨代山。南極冀方。而悉爲虜庭。非復國家之域。將佐等曰。爲宜遠遵周室。近準漢初。進封鹿爲燕王。行大將軍事。上曰。總統諸部。下曰。割損賊境。使冀州之人望風向化。鹿得祇承詔命。率合諸國。奉辭夷逆。曰成桓文之功。苟利社稷。專之可也。而鹿固執謙光守節。彌高每詔所加。讓動積年。非將佐等所能敦逼。今區區所陳。不欲苟相崇重。而恩情至心。實爲國計。晉書載紀慕容鹿傳。鹿與陶侃等并勸其東夷。模尉封抽行遠東。相韓矯等三十餘人疏。上侃府云云。又見十六國春秋二十三。

封裕

裕抽子仕慕容。號爲記室參軍。

諫慕容皝

全晉文卷一百四十九

九

臣聞聖王之宰國也。薄賦而藏于百姓。分之曰三等之田。十一而稅之。寒者衣之。飢者食之。使家給人足。雖水旱而不爲災者。何也。高選農官。務盡勸課。人治周田百畝。亦不假牛力。力田者受旌顯之賞。惰農者有不齒之罰。又量事置官。量官置人。使官必稱須。人不虛位。度歲入多少。裁而祿之。供百僚之外。藏之太倉。三年之耕。餘一年之粟。曰斯而積。公用于何不足。水旱其如百姓何。雖務農之令屢發。二千石令長莫有志勤在公。銳盡地利者。故漢祖知其如此。曰墾田不實。徵殺二千石。曰十數。是曰明章之世。號次昇平。自永嘉喪亂。百姓流亡。中原蕭條。千里無烟。飢寒流隕。相繼溝壑。先王曰神武聖略。保全一方。威曰殄姦。德曰懷遠。故九州之人。寒表殊類。繼負萬里。若赤子之歸慈父。流人之多于舊土。十倍有餘。人殷地狹。故無田者。十有三四焉。殷下曰英聖之資。克廣先業。南

按晉書最
記八字
當作人

摧強趙東滅句驪拓境三千增戶十萬繼武關廣之功有高西伯
宜悉罷諸死已業流人人至而無資產者賜之已牧牛人既殿下
之人牛豈失乎善藏者藏于百姓若斯而已矣邇者深副樂土之
望中國之人皆將壺飧奉迎石虎誰與居乎且魏晉雖道消之世
猶削百姓不至于七八特官牛田者官得六分百姓得四分私牛
而官田者與官中分百姓安之人皆悅樂臣猶曰非明王之道而
況增乎且水旱之厄堯湯所不免王者宜濬治溝澮循鄭白西門
史起溉灌之法旱則決溝爲雨水則入于溝瀆上無雲漢之憂下
無昏墊之患句驪百濟及宇文段部之人皆兵勢所徙非如中國
慕義而至咸有思歸之心今戶垂十萬狹濬都城恐方將爲國家
深患宜分其兄弟宗屬徙于西境撫之已恩檢之已法使不得散
在居人知國之虛實今中原未平資畜宜廣官司猥多游食不少
一夫不耕歲受其飢必取于耕者而食之一人食一人之力游食

案晉書
載記作
嫉人有

數萬損亦如之。安可。呂家給人足。治致昇平。殿下降覽古今之事。多矣。政之巨患。莫甚于斯。其有經略出世。才稱時求者。自可隨須。置之列位。非此已往。其耕而食。蠶而衣。亦天之道也。殿下聖性寬明。思言若渴。故人盡芻蕘。有犯無隱。前者參軍王憲。大夫劉明。竝竭忠獻款。呂貢至言。雖頗有逆鱗。意在無責。主者奏。曰。妖言犯上。致之于法。殿下慈弘。包納。恕其大辟。猶削黜禁錮。不齒于朝。其言是也。殿下固宜納之。如其非也。宜亮其狂狷。罪諫臣而求直言。亦猶北行詣越。豈有得邪。右長史宋該等。阿媚苟容。輕劾諫士。已無骨鯁。嫉人之有。掩蔽耳目。不忠之甚。四業者。國之所資。教學者。有國盛事。習戰務農。尤其本也。百工商賈。猶其末耳。宜量軍國所須。置其員數。已外。歸之于農。教之戰法。學者三年無成。亦宜歸之于農。不可徒充大員。呂塞聰。偽之路。臣之所言當也。願速施行。非也。登加罪戮。使天下知朝廷從善如流。罰惡不掩。王憲。劉明。忠臣也。

願宥忤鱗之愆收其藥石之效

首書載紀慕容皝傳又十六國春秋二十五

皇甫真

真字楚季安定朝那人慕容廆曰爲遼東國侍郎皝嗣位遷平州別駕免後曰破麻秋功拜奉車都尉守遼東營丘二郡儁嗣位徵爲典書令遷尙書左僕射皝嗣位拜冠軍將軍從平呂護拜鎮西將軍并州刺史護匈奴中郎將徵拜侍中光祿大夫進司空領中書監累遷太尉侍中燕亡人秦爲奉車都尉奉朝請上疏請征呂護

輒呂家奴婢五十口馬七十匹牛四十頭呂供軍資

十六國春秋三十二

上疏請防秦

苻堅雖聘使相尋託輔車爲誼然抗均鄰敵勢同戰國明其甘于取利無慕善之心終不能守信存和呂崇久要也頃來行人累續兼師出洛川夷險要害具之耳目觀虛實已措姦圖聽風塵而伺

國隙者，寇之常也。今吳王外奔，為其謀主，伍員之禍，不可不慮。洛陽并州，壺關諸城，並宜增兵，益守已防，未兆。

晉書載紀慕容暉傳又十六國春秋二十一

九 鞠彭

彭為樂浪太守，後拜大長秋。

戒子殷書

王彌曹娥必有子孫，汝善招撫，勿尋舊怨。已長亂源。

十六國春秋三十一 鞠殷傳

常煒

煒，廣寧人，仕冉閔為大司馬從事中郎。襄國之敗，歸慕容儁，儁僭號，已為廷尉監。

上言祖父未葬者，權宜銓選。

大燕雖革命創制，至于朝廷銓選，亦多因循。魏晉惟祖父不殯葬。

法下脫
而字

者獨不聽官身清朝斯誠王教之首不刊之式然禮貴適時世或
損益是已高祖制三章之法秦人安之自頃中州喪亂遭兵積年
或遇傾城之敗覆車之禍坑師沈卒往往而然孤孫斃子十室而
九兼三方岳峙父子異邦存亡吉凶杳成天外或便假一時或依
羸博之制孝子糜身無補順孫心喪靡及雖招魂虛葬已敘罔極
之情又禮無招葬之文令不此載若斯之流抱琳琅而無申懷英
才而不齒誠可痛也恐非明揚側陋務盡時珍之道吳起二陳之
躋終將無所展其才幹漢祖何由免于平城之圍郅支之首何已
懸于漢闕謹案戊辰詔書蕩清瑕穢與天下更始已明惟新之慶
五六年間尋相違伐于則天之體臣竊未安

晉書載紀慕容儁傳
又十六國春秋二十

明岌

岌爲黃門郎

將死誠其子

吾所已在此朝者非要貴也直是避禍全身耳葬可埋圓石于吾

墓前首引之云晉有微臣明良之家已遂吾本志也

北堂書鈔一百六十一引二

十國春秋

申胥

庾仕慕容儼爲給事黃門侍郎

上言定冠冕制

夫名尊禮重先王之制冠冕之式代或不同漢呂蕭曹之功有殊羣辟故履劍上殿入朝不趨世無其功則禮宜闕也至于東宮體此爲儀魏晉因循制不納緦今皇嗣過謙準同百僚禮卑逼下有違朝式太子有統天之重而與諸王齊冠遠遊非所已辨章貴賤也祭享朝慶禮宜正服袞衣九文冠冕九旒又仲冬長至太陰數終黃鐘產氣綿微于下此月閉關息旅后不省方禮記日是月也

事欲靜。君子齊戒去聲色。惟周官有天子之南郊。從八能之說。或
已有事至。靈非朝饗之節。故有樂作之禮。王者慎微。禮從其重。前
來二至。闕鼓不宜有設。今之鏜鏜。蓋日常儀。二至之禮。事殊餘節。
猥動金聲。驚越神氣。施之宣養。實爲未盡。又朝服雖是古禮。絳構
始于秦漢。迄于今代。遂相仍準。朔望正旦。乃具袞舄。禮諸侯。旅見
天子。不得終事者三。兩沾服失容。其在一焉。今或朝日天雨。未有
定儀。禮貴適時。不在過恭。近日地溼。不得納舄。而日袞襜改履。案
稱朝服。所以服之而朝一體之間。上下二制。或廢或存。實乖禮意。
大燕受命。倅蹤虞夏。諸所施行。宜損益定之。已爲皇代永制。晉書
載紀

慕容儁傳又十六
國春秋二十七

申紹

紹仕慕容暉爲尙書左丞

上疏陳時務

臣聞漢宣有言與朕共治天下者其唯良二千石乎是日特重此選必妙盡英才莫不拔自貢土歷資內外用能仁感猛獸惠致羣祥今者守宰或擢自匹夫兵將之間或因寵戚藉緣時會非但無聞于州閭亦不經于朝廷又無考績黜陟幽明貪情爲惡無刑戮之懼清勤奉法無爵賞之勸百姓窮弊侵賕無已兵士逋逃乃相招爲盜賊風頽化替莫相糾攝且吏多則政煩由來常患今之見戶不過漢之一大郡而備置百官加之新立軍號兼重有過往時虛假名位廢棄農業公私驅擾人無聊生宜并官省職務勸農桑秦吳二虜僻陋一時尙能任道捐情肅諸僞部況大燕果聖重光君臨四海而可美政或虧取陵奸寇哉鄰之有善眾之所望我之不脩彼之願也秦吳狡猾地居形勝非唯守境而已乃有吞噬之心中州豐實戶兼二寇弓馬之勁秦晉所憚雲騎風馳國之常也而比赴敵後機兵不速濟者何也皆由賦法靡恆役之非道郡縣

守宰每于差調之際無不舍越殷懃首先貧弱行留俱窘資贍無
所人懷嗟怨遂致奔亡進關共國之饒退離蠶農之要兵豈在多
貴于用命宜嚴制軍科務先饒復習兵教戰使偏伍有常從戎之
外足營私業父兄有陟岵之觀子弟懷孔廟之願雖赴水火何所
不從節儉約費先王格謨去華敦朴哲后恆憲故周公戒成王曰
嗇財爲本漢文曰皂韓變俗孝景宮人弗過千餘魏武寵賜不盈
十萬薄葬不墳儉曰率下所曰割肌膚之惠全百姓之力謹案後
宮四千有餘僮侍廝養通兼十倍日費之重價盈萬金綺縠羅縠
歲增常調戎器弗營奢玩是務令帑藏虛竭軍士無襁褓之資宰
相侯王迭曰侈麗相尙風靡之化積習成俗臥薪之諭未足甚焉
宜罷浮華非要之役峻明婚姻喪葬之條禁絕奢靡浮煩之事出
傾宮之女均商農之賦公卿曰下曰四海爲家信賞必罰綱維肅
舉者溫猛之首可懸之白旄秦吳二主可曰禮之歸命豈唯不復

侵寇而已哉。陛下若不遠追漢宗弋綈之模，近崇先帝補衣之美，臣恐頽風弊俗，亦革變靡途。中興之歌，無呂軫之絃詠。又拓守兼，并不在一城之地，控制戎夷者，懷之呂德。今魯陽上郡、重山之外，雲陰之北，四百有餘，而未可曰羈服塞表，爲平寇之基。徒孤危託落，令善附內駭，宜攝就并豫。呂臨二河，通接漕穀，擬之巨陵。重晉陽之戍，增南藩之兵，戰守之備，銜呂千金之餌，蓄力待時，可一舉而滅。如其虔劉送死，俟入境而斷之，可合匹馬不反，非唯絕二賊關關，乃是戡殄之要。惟陛下覽焉。

晉書載紀慕容暉傳又見十六國春秋二十九

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷一百五十

烏程嚴可均校輯

西燕

慕容泓

泓前燕慕容暉弟封濟北王燕亡入秦爲北地長史苻堅敗起兵自稱使持節大都督陝西諸軍事大將軍雍州牧濟北王領司徒呂晉太元九年改元燕興明年爲其下高蓋宿勤崇等所殺

與苻堅書

秦爲無道滅我社稷今天誘其衷使秦師傾敗將欲興復大燕吳王已定關東可速資備大駕奉送家兄皇帝并宗室功臣之家泓當率關中燕人翼衛乘輿返還鄴都與秦曰虎牢爲界分王天下永爲鄰好不復爲秦之患也鉅鹿公輕齎銳進爲亂兵所害非泓

之意

晉書載紀苻堅傳下泓遣使謂堅云云堅召慕容暉責之曰泓書如此又見魏書慕容暉傳又十六國春秋三十八

慕容冲

冲、泓弟、小字鳳皇、封中山王、年十二而燕亡、苻堅納其姊清河公主姊弟專寵、後爲平陽太守、堅敗起兵、及泓被殺、嗣立爲皇太弟、據阿房、呂晉太元十年僭卽皇帝位、改元更始、都長安、爲其下段木延等所殺、

命詹事苻堅

皇太弟有令、孤今心在天下、豈願一袍小惠、苟能知命、便可君臣束手早送、皇帝自當寬待苻氏、呂酬曩好、終不使既往之施獨美于前、晉書載紀苻堅傳下堅遣使送錦袍一領遺冲稱詔云云冲命詹事苻之亦稱云云

後燕

慕容垂

垂字道明、一字叔仁、前燕慕容皝第五子、小字阿六敦、初名靺

字道業，改名軌。自識記文去夫，自垂爲名。魏時爲平狄將軍，封都鄉侯。成、徒、河、雋僭號，自爲安東將軍，鎮常山，封吳王。徙鎮信都。自侍中、右禁將軍錄留臺事，又爲征南將軍，荆、兗二州牧，再爲司隸，諱嗣位。累遷車騎大將軍，爲慕容評所忌，懼誅奔秦。苻堅自爲冠軍將軍，封賓都侯。堅敗，自稱大將軍，大都督燕王。建元，燕元。自晉太元十一年，僭卽皇帝位，改元建興。都中山。至太元二十一年死，年七十一。在位十三年。諡曰成武皇帝，廟號世祖。

上苻堅表

臣才非古人，致禍起蕭牆，身嬰時難，歸命聖朝。陛下恩深周漢，猥叨微顧之遇，位爲列將，爵忝通侯。誓在戮力輸誠，常恐不及。去夏桓沖送死，一擬雲消，迴討郾城，俘馘萬計。斯誠陛下神算之奇，頗亦愚臣忘死之效。方將飲馬桂洲，懸旌闕會，不圖天助亂德，大駕

班師陛下單馬奔臣。臣奉衛匪貳。豈惟陛下聖明。鑒臣單心。皇天后土。實亦知之。臣奉詔北巡。受制長樂。然不外失眾心。內多猜忌。令臣野次外庭。不聽謁廟。丁零逆豎。寇逼豫州。不迫臣單赴。限日師程。惟給弊卒二千。盡無兵杖。復令飛龍潛爲刺客。及至洛陽。平原公暉。復不信納。臣竊惟進無淮陰。功高之慮。退無李廣。失利之愆。懼有青蠅。交亂黑白。丁零夷夏。已臣忠而見疑。乃推臣爲盟主。臣受託善始。不遂令終。泣望西京。揮涕卽遵軍次。石門所在。雲赴雖復。周武之會于孟津。漢祖之集于垓下。不期之會。實有甚焉。欲令長樂公盡眾赴難。日禮發遣而不固守。匹夫之志。不達變通之理。臣息農收集。故營日備不虞。而石越傾鄴城之眾。輕相掩襲。兵陣未交。越已隕首。臣旣單車懸軫。歸者如雲。斯實天符。非臣之力。且鄰者臣國舊都。應卽惠及。然後西面受制。永守東藩。上成陛下遇臣之意。下全愚臣感報之誠。今進師圍鄴。并喻丕曰。天時人事。

而不察機運杜門自守時出挑戰鋒戈屢交恆恐飛矢誤中目傷陛下天性之念臣之此誠未簡神聽輒遏兵止銳不敢窮攻夫運有推移去來常事惟陛下察之

晉書載紀慕容垂傳又十六國春秋四十四

上書請伐

石虎窮極凶暴天之所棄餘燼尚存自相魚肉今中國倒懸企望仁恤若大軍一舉勢必倒戈

十六國春秋二十六

濟河下令

吾本外假秦聲內規興復亂法者軍有常刑奉命者賞不踰日天下既定封爵有差不相負也

晉書載紀慕容垂傳又十六國春秋四十三

報丁零及西人令

翟王之功宜居上輔但臺既未建此官不可便置待六合廓清當更議之

晉書載紀慕容垂傳翟斌潛謁丁零及西人請斌爲尚書令垂令云云

避令

方今禍難尚殷、喪禮一從簡易、朝終夕殯、事訖成服、三日之後、釋服從政、強寇伺隙、祕勿發喪、至京、然後舉哀行服、晉書載紀慕容垂傳又十六國

春秋四十五

與僧朗書

皇帝敬問太山明和尚、澄神靈緒、慈陰百國、凡在含生、孰不蒙潤、朕承藉纂統、方夏是膺、昔吳蜀不恭、魏武含慨、今二賊不平、朕豈獲安、又元戎剋興、征掃暴亂、至人通靈、隨權指化、願兵不血刃、四海混伏、委心歸誠、久敬何已、今遣使者送官絹百匹、袈裟三領、綿五十斤、幸爲呪願、廣弘明集三十五又十六國春秋四十五

慕容威

威字道通、垂孫、封長樂公、父寶嗣垂位、進爵爲王、寶爲蘭汗所殺、攻汗斬之、曰長樂王稱制、改元建平、尋僭卽皇帝位、曰晉隆安五年、爲其下段熲等所殺、在位四年、謚曰昭武皇帝、廟號中

宗

告成大廟令

賴五祖之休文武之力社稷幽而復顯不獨孤曰眇眇之身免不

同天之責凡在臣民皆當明目當世

十六國春秋四十七

下令公侯贖罪不得曰金帛

法例律公侯有罪得曰金帛贖此不足曰懲惡而利于王府甚無

謂也自今皆令立功曰自贖勿復輸金帛

十六國春秋四十七

慕容農

農字道厚小字惡奴垂第三子封遼西王尋爲幽州牧鎮龍城

徵拜侍中司隸校尉移鎮鄴寶嗣位曰爲并州牧鎮晉陽進左

僕射拜司空領尚書令復曰大司馬領中軍爲亂兵所殺追諡

曰桓烈

在龍城上表

臣頃因征卽鎮所統將士安逸積年青徐荆雍遺寇尚繁願時代
還展竭微效生無餘力沒無餘恨臣之志也十六國春秋五十

宴會

會仕慕容垂爲尚書郎

上疏請聽吏終喪

三年之喪天下之達制兵荒殺禮遂目一切取士人心奔競苟求
榮進至乃身冒縋絰已赴時役豈必徇忠于國家亦昧利于其閒
也聖王設教不曰顛沛而虧其道不曰喪亂而變其化故能杜豪
競之門塞奔波之路陛下鍾百王之季廓中興之業天下漸平兵
革方偃誠宜蠲蕩瑕穢率由舊章史曹大喪聽終三年之禮則四
方知化人斯服禮晉書載紀慕容垂傳又十六國春秋四十五

南燕

慕容德

德字玄明前燕慕容皝少子僞嗣位封梁公歷幽州刺史左衛將軍皝嗣位進封范陽王遷魏尹加散騎常侍拜征南將軍燕亡入秦爲張掖太守免尋爲奮威將軍慕容垂稱燕王已爲車騎大將軍復封范陽王寶嗣位遷使持節都督冀兗青徐荆豫六州諸軍事特進車騎大將軍冀州牧領南蠻校尉鎮鄴尋爲丞相承制徙滑臺稱元年定魯齊曰晉隆安四年僭卽皇帝位改元建平都廣固至晉義熙元年死年七十在位六年諡曰獻武皇帝

上慕容暉疏請圖關右

先帝應天順時受命革代方呂文德懷遠呂一六合神功未就奄忽升遐昔周文旣沒武王嗣興伏惟陛下則天比德揆聖齊功方闡崇乾基纂成先志逆氏僭據關隴號同王者惡積禍盈自相疑戮豈起蕭牆勢分四國投誠請援旬日相尋豈非凶運將終數歸

有道兼弱攻昧、取亂侮亡、機之上也。今秦土四分、可謂弱矣。時來運集、天贊我也。天與不取、反受其殃。吳越之鑒、我之師也。宜應天人之會、建牧野之旗、命皇甫真引并冀之眾、徑趣蒲阪。臣垂引許洛之兵、馳解設圍。太傅總京都武旅、爲二軍後繼、飛檄三輔。仁聲先路、獲城卽侯。微功必賞、此則鬱概待時之雄。抱志未申之傑、必嶽峙灞上、雪屯隴下。天羅旣張、內外勢合、區區僭竝、不走則降。大同之舉、今其時也。願陛下獨斷聖慮、無訪仁人。晉書載紀慕容暉陝降于暉羣下議欲遣兵救護因圖關右魏尹慕容德上疏又見十六國春秋二十八下詔增名爲備德。

漢宣憫吏民犯諱、故改名朕。今增一備字、已爲二名。庶開臣子避

諱之路。

十六國春秋六十三

與僧朗書

皇帝敬問太山朗和尚。遭家多難、災禍屢臻、昔在建熙、王室西越。

案廣弘明集作
幸和尚
大恩

賴武王中興神武御世大啟東夏拯拔區域遐邇蒙蘇天下幸甚
天未忘災武王卽宴永康之始西傾東蕩京華主上播越每思靈
關屏營飲泣朕曰無德生在亂兵遺民未幾繼承天祿幸大和尚
恩神祇蓋護使者送絹百疋并假東齊王奉高山荏二縣封給書
不盡意稱朕心焉廣弘明集三十五又十六國春秋六十三

慕容超

超字祖明德兄北海王納之子德無子立爲太子曰晉義熙元
年僭卽皇帝位改元太上在位六年劉裕執送建康市斬之
下書議復肉刑

陽九數繼永康多難自北都傾陷典章淪滅律令法憲靡有存者
網理天下此焉爲本旣不能導之曰德必須齊之曰刑且虞舜大
聖猶命咎繇作士刑之不可曰已也如是先帝季興大業草創兵
革尚繁未遑修制朕猥冒不德嗣承大統撫御寡方致蕭牆釁發

遂戎馬生郊典儀寢廢今四境無虞所宜修定尚書可召集公卿
至如不忠不孝若封嵩之輩梟斬不足目痛之宜致烹轅之法亦
可附之律條納曰大辟之科肉刑者乃先聖之經不刊之典漢文
易之輕重乖度今犯罪彌多死者稍眾肉刑之于化也濟育既廣
懲慘尤深光壽建熙中二祖已議復之未及而晏駕其令博士已
上參攷舊事依呂刑及漢魏晉律令消息增損議成燕律五刑之
屬三千而罪莫大于不孝孔子曰非聖人者無法非孝者無親此
大亂之道也轅裂之刑烹煮之戮雖不在五品之例然亦行之自
古渠彌之轅著之春秋哀公之烹爰自中代世宗都齊亦懲刑罰
失中咨嗟寢食王者之有刑糾猶人之有左右手焉故孔子曰刑
罰不中則民無所措手足是曰蕭何定法令而受封叔孫通曰制
儀受奉常立功立事古之所重其明議損益已成一代準式周漢
有貢士之條魏立九品之選二者孰愈亦可詳聞

晉書載紀慕容超傳又十六國

慕容鍾

鍾字道明德從弟封北地王拜司徒超嗣位已爲都督中外軍事錄尚書事尋出爲青州牧後爲公孫五樓所構懼誅謀反事敗奔姚興爲始平太守封歸義侯

傳檄青州諸郡討辟閭渾

隆替有時義列管經因難敘聖事彰中錄是已宣王龍飛于危周光武鳳起于絕漢斯蓋厯數大期帝王之興廢也自我永康多難長鯨逸網華夏四分黎元五裂逆賊辟閭渾父蔚管同段龕阻亂淄川太宰東征勦絕凶命渾于覆巢之下得蒙全卵之施曾微犬馬誠養之心復襲凶父樂禍之志盜據東秦遠附吳越割剝黎元委輸南海皇上應期大命再集矜彼營丘暫阻王略故已七州之眾二十餘萬巡省岱宗問罪齊魯管韓信已裨將伐齊有征無戰

耿弇曰偏師討步克不移朔況呂萬乘之師埽一隅之寇傾山碎
卵方之非異孤曰不才忝荷先驅都督元戎一十二萬皆烏桓突
騎三河猛士奮劍與夕火爭光揮戈與秋月競色曰此攻城何城
不克曰此眾戰何敵不平答寶融曰河西歸漢榮被于後裔彭寵
盜逆漁陽身死于奴隸近則曹窋跋扈見禽于後趙段龕干紀取
滅于前朝此非古今之吉凶已然之成敗乎渾若先迷後悟榮寵
有加如其敢抗王師敗滅必無遺燼覆下之雄併北之士有能斬
送渾首者賞同佐命脫履機不發必玉石俱摧晉書載紀慕容德傳又十六國春秋

六十

三

韓範

範仕慕容德爲中書侍郎超嗣位累遷尚書令劉裕伐燕表爲
散騎常侍

上疏言伐桓玄

夫帝王之道必崇經略有其時無其人則弘濟之功或闕有其人無其時則英武之志不伸至于能成王業者惟人時合也自晉國內難七載于茲桓玄篡逆虐踰董卓神怒人怨其殃積矣可乘之機莫過此也己陛下之神武經而緯之驅樂奮之卒接厭亂之機譬猶聲發響應形動影隨未足比其易也且江淮南北戶口無幾公私戎馬不過數百守備之事蓋亦微矣若己步騎一萬建雷霆之舉卷甲長驅指臨江會必望旗草偃壺漿屬路跨地數千眾踰十萬可己西并强秦北抗大魏拓境開疆保寧社稷正在今日如使後機失會豪傑復起梟除桓玄布惟新之化遐爾既寧物無異望豈惟建業難屠江北亦不可冀機過患生憂必至矣天與不取悔將及焉惟陛下覽之

晉書載紀慕容德傳又十六國春秋六十三作韓諱誤

韓諱

諫範弟仕慕容德爲尚書右僕射

上疏正戶籍

二寇逋誅國恥未雪關西爲豺狼之藪揚越爲鴟鵂之林二京社稷鞠爲丘墟四祖園陵蕪而不守豈非義夫憤歎之日烈士忘身之秋而皇室多難威略未振是使長蛇弗剪封豕假息人懷憤慨常謂一日之安不可曰永久終朝之逸無卒歲之憂陛下中興大業務在遵養矜遷氓之失土假長復而不役愍黎庶之息肩貴因循而不擾斯可曰保寧于營丘雖已經摺于秦越今羣凶僭逆實繁有徒據我三方伺國瑕釁深宜審量虛實大校成敗養兵厲甲廣農積糧進爲雪恥計寇之資退爲山河萬全之固而百姓因秦晉之弊迭相陸冒或百室合戶或千丁共籍依託城社不懼燬燒公避課役擅爲姦宄損風毀憲法所不容但檢令未宣弗可加戮今宜隱實黎氓正其編貫席上增皇朝理物之明下益軍國兵資之用若蒙採納冀裨山海雖遇商鞅之刑悅縮之害所不辭也

晉書

魏紀慕容德傳又十六國春秋六十三

段暉

暉仕慕容超爲尚書左僕射左軍將軍拒劉裕戰死

稱藩姚興議

太上囚楚高祖不迴今陛下嗣守社稷不宜曰私親之故而降統天之尊又太樂諸伎皆是前世伶人不可與彼使移風易俗宜掠京口與之

晉書載紀慕容超傳又十六國春秋六十四

張華

華仕慕容德爲給事黃門侍郎中書令超嗣位累遷尚書左僕射

稱藩姚興議

若使侵掠吳邊必成鄰怨此既能往彼亦能來兵連禍結非國之福也昔孫權重黎庶之命屈已曰臣魏惠施惜愛子之頭捨志曰

尊齊。況陛下慈德在秦，方寸崩亂，宜暫降大號，以申至孝之情。權變之道，典謨所許。韓範智能迴物，辨足傾人。昔與姚興俱爲秦太子中舍人，可遣將命，降號脩和，所謂屈于一人之下，伸于萬人之上也。

晉書載紀慕容超傳又十六國春秋六十回

北燕

馮跋

跋，字文起，長樂信都人。慕容寶僭號，自爲中衛將軍。慕容熙襲位，懼誅，逃于山澤，尋殺熙，立高雲，拜使持節侍中、都督中外諸軍事，征北大將軍，開府儀同三司，錄尚書事。武邑公雲死，跋晉義熙五年，僭卽天王位，改元太平。至宋元嘉七年死，在位二十二年，諡曰文成皇帝，廟號太祖。

卽位下書

義貴適時，不必改作。故陳氏代姜，不徙齊號，宜卽國號曰燕。建元

大平

十六國春秋九十八

下書葬高雲

昔高祖爲義帝舉哀天下歸其仁吾與高雲義則君臣恩踰兄弟

其曰禮葬雲及其妻子立雲廟于蕤町置園邑二十家四時供薦

晉書載紀馮跋傳又

十六國春秋九十八

下書除前朝苛政

自頃多故事難相尋賦役繁苦百姓困窮宜加寬宥務從簡易前

朝苛政皆悉除之守宰當垂仁惠無得侵害百姓蘭臺都官明加

澄察

晉書載紀馮跋傳又十六國春秋九十八

下書令民植桑柘

今疆宇無虞百姓寧業而田畝荒穢有司不隨時督察欲令家給

人足不亦難乎桑柘之益有生之本此土少桑人未見其利可令

百姓人植桑一百根柘二十根

晉書載紀馮跋傳又十六國春秋九十八

下書令境內不改葬

聖人制禮送終有度重其衾衾厚其棺槨將何用乎人之亡也精魂上歸于天骨肉下歸于地朝終夕壤無寒煖之期衣曰錦繡服曰羅紈寧有知哉厚于送終貴而改葬皆無益于亡者有損于生是曰祖考因舊立廟皆不改營陵寢申下境內自今皆令奉之

載紀馮跋傳又上六國春秋九十八

下書建大學

武曰平亂文曰經務寧國濟俗實所憑焉自頃喪難禮壞樂崩閭閻絕諷誦之音後生無庠序之教子衿之歎復興于今豈所曰穆章風化崇闡斯文可營建大學曰長樂劉軒營上張熾成周翟崇爲博士郎中簡二千石已下子弟年十三已上教之

晉書載紀馮跋傳又十六國春秋九十八

馮素弗

素弗跋弟仕慕容熙爲侍御郎小帳下督高雲僭位已爲昌黎尹撫軍大將軍封范陽公遷司隸校尉跋僭位已爲侍中車騎大將軍錄尚書事進大司馬改封遼西公鎮營丘

樂浪公主下嫁蠕蠕議

前代舊事皆曰宗女妻六夷宜許曰妃嬪之女樂浪公主不宜下

降非類

晉書載紀馮跋傳又十六國春秋九十八

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百五十終